

合刻兩張先生集序

天地之所以不朽者士氣維之故  
氣以克塞爲用而成於識劃邪正  
之窾扼升降之機立身行道傳以  
文詞世胥賴焉否則其人爲春華  
及秋而殞已其文詞爲月露及晝





而泯已志稱吾和崇山大江舒奇  
發秀名喆斌斌倘萃毓一門輝暎  
歷代亦已足奇若比皆爲邪正升降  
之功臣如文昌安國兩先生者不  
更奇乎當佛骨尊貴之日唐之士  
如風偃萎草獨一韓昌黎爭之耳

文昌先生則不欲其紛以口舌欲  
其砥以簡編猶夫杼軸具而絲自  
理不必憂其亂也至以博塞爲害  
性以尚勝爲少容先生之識其進  
於道哉宋至紹興理淆政壞誰敢  
違長脚相者安國先生則孤行其



意尊君晉彥復不令舍所學以自  
全考其封事如修日曆立大本詔  
和議重自治廣才路皆阿衡之法  
也浮沉中外所向輒理非有異人  
之識能辦此乎兩先生之槩如是  
豈待文詞而傳然卽以想其文詞  
則爲世利賴不容不傳可知白太  
傅姚秘監皆稱文昌工樂府詞謝  
昭武謂安國以才勝有凌轢坡仙  
之意以余觀之文昌秀宕絕塵其  
送韓侍御望行人惜花尋仙諸詩  
似亦不遜美詞曲安國磅礴縱橫





言有實際細膩不及阿祖而豪轟  
過之若夫明道秉節厲世磨鈍固  
後先一轍矣甚矣張氏之有賴於  
世也自文昌而下才雋繁蔚其最  
著者如少師轉運叅知司農丞咸  
以文行事功作世綱維蓋烏江廣  
衍灑水蘇孕育無窮張氏特錘其靈  
氣有如此者文昌安國用未竟才  
大力者仍寶其遺言使與經籍典  
謨表章來學故復以哀集之權授  
澧浦刺史頒布之權授觀止輔令  
於是乎兩先生之氣久而益昌天



地不朽之道其在斯乎

崇禎六年癸酉仲夏柱下舊史郡  
後學馬如蛟謹題



張文昌名籍和州歷陽人居城西  
桃花塢登貞元十五年進士第道  
德性命之精力以聖學爲已任故  
與韓愈李翱以斯道相切磋時劉  
夢得爲刺史每以詩文相唱和故  
詞賦與劉禹錫柳宗元相上下其



名重當時聲流奕世柰傳久而訛  
或謬以爲蘓州人或謬以爲荊州  
人吾郡人士見之扼腕矧吾宗人  
也余遂慨然以全集板行并于湖  
集合併鏤刺使他郡不得傳會蹈  
襲如明珠貴重於天下古今其源  
則出於合浦如水流於四瀆九  
州其源則發於岷峩余不憚固陋  
僭越梓行覽者當諒余苦衷也後  
裔商張時行私記



張司業詩集序

司業諱籍字文昌和州烏江人也貞元十五年丞相  
渤海公下及第歷官太祝秘書郎國子博士水部員  
外郎國子司業公爲古風最善自李杜之後風雅道  
喪繼其美者唯公一人故白太傅讀公集曰張公何  
爲者業文三十春尤工樂府詞舉代少其倫又姚秘  
監嘗讀公詩云妙絕江南曲淒涼怨女詞古風無敵  
手新語是人知其爲當時文士推服也如此元和  
中  
公及元丞相白樂天孟東野訶調天下宗匠謂之元



和體又長於今體律詩貞元以前作者間出大抵互相祖尚拘於常態迨公一變而章句之妙冠於流品矣自皇朝多故荐經離亂公之遺集十不存一予自丙午歲迨至乙丑歲相次綴緝僅得四百餘篇藏諸篋笥餘則更俟博訪以廣其遺闕云爾翰林學士中書舍人張洎撰

張文昌集目錄

卷之一

五言古詩 計三十三首

野居

西州

雜怨

三原李氏園宴集

湖南曲

春水曲

懷別

離婦

憶遠曲

宛轉行

新桃行

惜花



董公

學仙

沈千運舊居

懷友

寄韓愈

別段生

贈姚愆

傷于鵠

獻從兄

南歸

卧疾

贈孟

城南

夜懷

奉和舍人叔

野寺後池寄友

寄別

病中寄白學士

雨中寄元宗簡

惜花

祭韓退之

卷之二

七言古詩

詩六十首

春日行

寄遠曲

短歌行

行路難

征婦怨

白紵歌

野老歌

寄衣曲

送遠曲

築城詞



猛虎行

別離曲

牧童詞

沙堤行

求仙行

古釵嘆

各東西

節婦吟

永嘉行

採蓮曲

傷歌行

北印行

吳宮怨

關山月

少年行

白頭吟

將軍行

賈客樂

羈旅行

車遥遥

妾薄命

朱鷺曲

楚宮行

江南曲

烏啼引

讌客詞

促促詞

烏栖曲

隴頭行

塞上曲

董逃行

白鼉鳴

洛陽行

湘江曲

雀飛多

春江曲



遠別離

秋夜長

山頭鹿

江村行

樵客吟

泗水行

雲童行

長塘湖

廢宅行

寄菖蒲

送遠曲

舟行

楚妃怨

廢瑟詞

花

卷之三

五言律詩

計一百二十八首

薊北旅思

江南春

西樓望月

別鶴

江陵孝女

送宮人入道

送越客

贈辟穀者

思江南舊遊

夜到漁家

送邊客

不食姑

古苑杏花

送流人

宿臨江驛

送蠻客

襄國別友

送遠客



山中寄日南僧

征西將

寄友人

送防秋將

律僧

答僧拄杖

靈都觀李道士

送韋評事

送闕僧

送海客

登咸陽寺北樓

送從弟戴玄往蘓州

送朱慶餘

過賈島野居

酬韓庶子

贈姚合少府

送僧遊五臺

送鄭秀才

送李評事遊越

閑居

寄昭應王中丞

酬孫洛陽

送人任濟陰

晚春過崔駙馬東園

夏日閑居

晚秋閑居

和陸司業

酬韓祭酒雨中見寄

和裴僕射

酬白二十二舍人

和周贊善

送李騎曹靈州歸觀

寒食夜寄姚侍御

題清徹上人院

和裴司空

使回雷別



經王處士原居

不食仙姑山房

江頭

寄孫冲主簿公

贈任懶

舊宮人

春日留別

沒番故人

望行人

宿江店

薊北春懷

雪溪西亭晚望

冬夕

山中秋夜

聽夜泉

夜宿黑龜溪

贈同谿客

出塞

嶺外逢故人

送閑師歸江南

贈箕山僧

送徐先生歸蜀

寄紫閣隱者

贈隱者

登城寄王秘書

舟行寄李湖州

送南容

送友人歸

留別江陵王少府

郢州贈別王七使君

送新羅使

山中古祠

古樹

漁陽將

送南邊客

和左司元郎中秋居十首



思遠人

哭山中友人

宿廣德寺寄從舅

宿邯鄲館寄馬磁州

遊襄陽山寺

酬裴僕射朝迴

和李僕射秋日

早春病中

送嚴大夫之桂州

詠懷

使至藍谿驛

贈海東僧

寄漢陽故人

送西安將

題李山人幽居

早春閑遊

贈太常王建

和戶部令狐尚書

春日李舍人宅

和裴司空

同錦州胡郎中

莊陵挽詞三首

水

送安法師

寄靈一上人初歸雲門寺

夏日閒居

老將

卷之四

五言排律計一十三首

省試行不由徑

夏日可畏

罔象得玄珠

和李僕射雨中



酬李僕射晚春

憶盧常侍

和令狐尚書平泉

送鄭尚書

徐州試反舌無聲

贈殷山人

新城甲仗樓

和李僕射西園

小苑春望宮池柳色

卷之五

七言律詩

計八十一首

書懷寄元郎中

書懷寄顧八處士

贈王秘書

贈令狐博士

贈王司馬

酬秘書王丞見寄

謝裴司空寄馬

送裴相公赴鎮太原

寄元員外

贈梅處士

贈王秘書

贈道士宜師

書懷寄王秘書

題韋郎中新亭

送揚州判官

喜王起侍郎放牒

送枝江劉明府

送從弟徹東歸

哭胡十八遇

贈賈島

逢王建有贈

移居靜安坊荅元八



送楊少尹赴鳳翔

送韓侍御歸山

新除水部

送楊少尹赴蒲城

笑元九少府

送侯判官赴廣州

答白杭州

酬浙東元尚書

贈項斯

贈趙將軍

送和番公主

寒食內宴 二首

朝日勅賜櫻桃

太白老人

和裴司空

寄和州劉使君

酬商州王使君

寄令狐賓客

寄梅處士

送施肩吾東歸

崑崙兒

贈李杭州

送鄭尚書赴廣州

賀秘書王丞

送令狐尚書

拜豐陵

贈孔尚書

酬杭州白使君

寄蕪州白二十三

送白賓客分司東都

贈闔少保

贈別王侍御

田司空入朝

送浙西周判官

送吳鍊師

送邵州林使君



寄王六侍御

送稽亭山寺僧

送汀州元使君

寄孫洛陽格

胡山人

寄處州韓使君

送從弟濛赴饒州

羅道士

寄陸渾趙明府

同蔣韋二少監

贈王侍御

送金少卿副使歸新羅

送李司空

送李僕射赴鎮鳳翔

寄白二十二舍人

哭丘長史

早朝寄白舍人嚴郎中

送友人盧處士越吳越

留別微之

送從弟刪東歸

送李餘及第

蘓州江岸留白樂天

卷之六

五言絕句

計二十三首

和韋開州居山

十二首

涇州塞

野田

岸花

送遠客

寄西峯僧

禪師

惜花



題暉師影堂

別于鵠

別韋蘓州

從軍行

卷之七

七言絕句

計一百一十一首

送蜀客

蠻中

贈道士

望平驛

宿天竺寺

送元紹

美人宮碁

蠻州

送元宗簡

寄徐晦

寄白學士

喜王六同宿

題玉像堂

與賈島閑遊

哭丘長史

哭孟寂

患眼

答劉兢

贈華嚴寺僧

逢故人

送蕭遠弟

送辛少府

贈任道人

招周居士

送許處士

題楊秘書新居

送胥師

送僧往金州



尋徐道士

答韋開州寄車前子

憶故州

送客遊蜀

送陸暢

感春

贈李司議

別客

登樓寄胡家兄弟

答劉明府

酬藤杖

法雄寺東樓

寄故人

鄰婦哭征夫

和崔附馬聞蟬

和裴僕射看櫻桃花

和郭明府縣中

唐興觀看花

九華觀看花

贈姚合

尋時道士

同韓侍御南溪夜賞

使行望悟真

重陽日至峽道

贈王客劉郎中

唐興觀玉葉仙 二首

秋思

憶遠

玉仙館

寄府史

涼州詞 二首

宮詞 二首

華清宮

崔駙馬養鶴

閑遊 二首

劉兵曹贈酒



送王梧州

春日早朝

寄朱闕二山人

寄李渤

尋仙

寄王奉卿

題渭北寺上方

杏園贈劉郎中

答鄱陽客藥日詩

寄宋景

倡女詞

答元八遺紗帽

題僧院

送元八

吳楚歌詞

月臺觀

華山廟

病中

寺宿齋

贈施肩吾

贈王建

逢賈島

離宮怨

春別曲

成都曲

楚妃怨

寒塘曲

春堤曲

山禽

秋山

宿山祠

送律師歸婺州

無題

山中酬人

題故僧影堂

弱栢院僧影堂



玉真觀

弟蕭遠雪夜同宿

虎丘寺

贈劉郎中

酬朱慶餘

綺綉宮

卷之八

書

與韓愈書

重與韓愈書

司業公詩集行于世者有歷陽盱江二本全椒張

舍人泊番陽湯司諫中輯本毘陵蔣氏刊本種種

不一儒恨未之見也髮燥以來心竊嚮往之承乏

楚荆詢之大家世族凡散見雜集中者無不哀而

集之庚戌歸來友人萬惺聞購得河中劉侍御成

德刊本合以蘭嶠朱太史刻之金陵者併前所輯

得詩四百四十九首而司業公之詩遺者或寡矣

并錄與韓昌黎書二首訂為八卷藏之笥中丁巳

仲秋澹園焦師又畀以秘閣抄本于湖公集日文



昌于湖兩張公德業文章後先相望當合刻以傳  
而國寶家珍散逸數百年者璀璨一時復還舊觀  
亦厚幸乎哉癸酉仲春張觀止有事殺青楊克  
家派仁甫重加校正姑述其所得之艱若此歷陽  
後學張尚儒謹識

張文昌集卷之一

唐司業和州張

籍著

明張尚儒醇甫編輯

張祖學復初

萬可賢惺聞

王家泰開之

楊侯胤克家

張應元仁甫

張時行觀止校閱

五言古詩

五言古



野居

貧賤易爲適荒郊亦安居端坐無餘思彌樂古人書  
秋田多良苗野水多遊魚我無耒與網安得克廩廚  
寒天白日短簷下煖我軀四肢漸寬柔中腸鬱不舒  
多病減志氣爲客足憂虞况復時節晚覽景獨踟蹰

西州

羗胡據西州近甸無邊城山東收稅租養我防塞兵  
胡騎來無時居人常震驚嗟我五陵間農者罷耘耕  
邊頭多殺傷士卒難全形郡縣發丁役丈夫各徃行  
生男不能養懼身有姓名良馬不念秣烈士不苟營  
所願除國難再逢天下平

雜怨

切切重切切秋風桂枝折人當少年嫁我當少年別  
念君昨征行年年長遠途妾身甘獨歿高堂有舅姑  
山川豈遙遠行人自不返

三原李氏園宴集

暮春天早熱邑居苦囂煩言從君子樂樂彼李氏園  
園中有草堂池引涇水泉開戶西北望遠見峩峩山



借問主人翁北州佐戎軒僕夫守舊宅爲客侍華筵  
高懷有餘興竹樹芳且鮮傾我所持觴盡日共畱連  
疎拙不偶俗常喜形體閑况來幽棲地能不重笑言  
湖南曲  
瀟湘多別離風起芙蓉洲江上人已遠夕陽滿中流  
鴛鴦東南飛飛上青山頭

春水曲

鴨鴨嘴喙啞啞青蒲生春水狹蕩漾木蘭船中有雙少  
年少年酌鴨不起

懷別

僕人驅行軒低昂出我門離堂無畱客席上唯琴樽  
古道隨水曲悠悠繞荒村遠程未奄息別念在朝昏  
端居愁歲永獨此畱輕景豈無經過人尋嘆門巷靜  
君如天上雨我如屋下井無因同波流願作影與影

離婦

十載來夫家閨門無瑕疵薄命不生子古制有分離  
託身言同穴今日事乖違念君終棄捐誰能強在茲  
堂上謝姑嫜長跪請離辭姑嫜見我往將決復沉疑



與我古時馴畱我嫁時衣高堂拊我身哭我於路陞  
昔日初爲婦當君貧賤時晝夜常紡績不得事蛾眉  
辛勤積黃金濟君寒與饑洛陽買大宅邯鄲買侍兒  
夫婿乘龍馬出入有光儀將爲富家婦永爲子孫資  
誰謂出君門一身上車歸有子未必榮無子坐生悲  
爲人莫作女作女實難爲

憶遠曲

水上山沉沉征途復繞林途荒人行少馬迹猶可尋  
雪中獨立樹海口失侶禽離憂如長線千里縈我心

宛轉行

華屋重翠幄綺席雕象床遠漏微更疎薄衾中夜涼  
爐氣暗徘徊寒燈背斜光妍姿結霄態寢辟幽夢長  
宛轉復宛轉憶君更未央

新桃

桃生葉婆娑娑枝葉四面多高未出墻顛蒿莧相凌摩  
植之二三年餘今年初試花秋來未成實其陰良已嘉  
青蟬不來鳴安得迅羽過常恐牽絲虫蒙幕成網羅  
顧託戲童兒勿折吾柔柯明年結其實磊磊克汝家



惜花

濛濛庭花樹墜地無顏色日暮東風起飄揚玉堦側  
殘蕋在猶稀青條聳復直爲君結芳實令君勿嘆息

董公

誰主東諸侯元臣隴西公旌節居汴水四方皆承風  
在朝四十年天下誦其功相我明天子政成如太宗  
東方有艱難公乃出臨戎單車入危城慈惠安厝兇  
公謂其黨言汝材甚驍雄爲我帳下士出入衛我躬  
汝息爲我子汝親我爲翁衆皆相顧泣無不和且恭  
其父教子義其妻勉夫忠不自以爲資奉上但顯顯  
公衣無文采公食少肥濃所憂在萬人人實我寧空  
輕刑寬其政薄賦施租庸四郡三十城不知歲饑凶  
天子臨朝喜元老置在東今聞揚盛德就安我大邦  
百辟賀明主皇風恩賜重朝廷有大事就決其所從  
海內旣無虞君臣方肅雍端居任僚屬宴語常從容  
翩翩者蒼鳥來朝於林叢其瓜生塲圃一蒂實連中  
田有嘉穀異隴畝穗亦同賢人佐聖人德與神明通  
感應我淳化生瑞我地中昔者此州人但矜馬與弓



張文昌集  
今公施德禮自然威武崇公與其百年受祿將無窮

學仙

樓觀開朱門木樹連房廊中有學仙人少年休穀糧  
高冠如芙蓉霞月披衣裳六時朝上清佩玉紛鏘鏘  
自言天老書秘覆雲錦囊百年度一人妄泄有災殃  
每占有仙相然後傳此方先生坐中堂弟子跪四廂  
金刀截身髮結誓焚靈香弟子得其訣清齋入空房  
守神保元氣動息隨天罡爐燒丹砂盡晝夜候火光  
藥成既服食計日乘鸞鳳虛空無靈應終歲安所望  
勤勞不能成疑慮積心腸虛羸生疾疹壽命多大傷  
身歿懼人見夜埋山谷傍求道慕靈異不如守尋常  
先王知其非戒之在國章

沈千運舊居

汝北君子宅我來見頽墉亂離子孫盡地屬隣里翁  
上木被兵墟蹊路不通舊井湧草合牛羊墜其中  
君辭天子書放意任體躬一生不自力家與逆旅同  
高議切星辰餘聲激瘖聾方將旌舊閭百歲可封崇  
嗟其未積年已爲荒林叢時豈無知音莫能敦此風



浩蕩竟無覩我將安所從

懷友

人生有行役誰能如草木別離感中懷乃我爲桎梏  
百年受命短光景良不足念我別離者願懷日月促  
平地施道路車馬往不復空知爲良田秋望禾黍熟  
端居無儔侶日夜禱耳目立身難自覺常恐憂與辱  
窮賤無閒暇疾疹多嗜慾我思携手人逍遙任心腹

寄韓愈

野館非我室新居未能安讀書避塵雜方覺此地間  
過郭多園墟桑果相接連獨游竟寂寞如寄空雲山  
夏景常晝寐密林無鳴蟬臨溪一盥濯清去肢體煩  
出林望曾城君子在其間戎府草章記阻我此游盤  
憶昔西潭時並持釣魚竿共忻得魴鯉烹鱸于我前  
幾朝還復來嘆息時獨言

別段生

與子骨肉親願共長相隨况離父母傍從我學書詩  
同在道路中講論亦未窺爲文于我前日夕生光儀  
行役多疾疹賴此相扶持貧賤事俱難今日有別離



我去秦城中子畱汴水滑離情兩飄斷豈異風中絲  
幼年獨爲客舉動難爲宜努力自修勵長如見我時  
我時登山岡再揖問還期還期在新年勿怨歡會遲

贈姚怵

漏天日無光澤土松不長君今職下位志氣安得揚  
束髮文思壯才爲國賢良無人識高韻薦于天子傍  
况我愚村姿強趨利名場遠同于貴人身舉固難彰  
昔逢汴水濱今會習池陽豈無再來期顧恐非此方  
願爲石中泉不爲瓦上霜離別勿復道所貴不相忘

傷于鵠

西山無逸人忽覺大國貧良玉沉幽泉名爲天下珍  
野性疎時俗再命乃從君氣高終不合去如鏡上塵  
我初有章句相合者爲君今來吊嗣子對壠燒斯文  
耕者廢其耜農者絕其薪筭無新衣裳曷用光我身  
奠回徒再拜昔意安能陳遺存金石韻千載人所聞

獻從兄

悠悠旱天雲不遠如飛塵賢達失其所沉飄同衆人  
擢秀登王畿出爲良使賓名高滿朝野幼賤誰不聞



一朝遇讒邪流竄八九春詔書近遷移組綬未及身  
冬井無寒冰玉潤難爲焚虛懷日迢遙榮辱常保純  
我念出游時每吟康樂文願言靈溪期聊欲相依因

南歸

促促念道路四支不常寧行車未及家天外非盡程  
骨肉望我歡鄉里望我榮豈知東與西憔悴竟無成  
天寒苦夜長窮者不念明惟離其寢牀百憂傷性靈  
世道多險薄相勸異忠誠遠游無知音不知商賈行  
達人有常志愚夫勞無營舊山幸未賣言歸樂此生

卧疾

身病始知道卧讀神農經空房夜留燈四壁青熒熒  
羈旅逐人歡貧賤還自輕今來問良醫乃知病所生  
僮僕各相憂杵臼無停聲見我形憔悴勸藥語丁寧  
春雨枕席冷窻前新禽鳴開門起無力遙愛鷄犬行  
服藥察耳目漸覺如酒醒方悟養生者不爲憂患并

贈孟郊

歷歷天上星沉沉水中萍幸當清秋夜流影及微形  
君生衰俗間立身如禮經淳意發高文獨有金石聲



張文昌集  
才名振京國歸省東南行停車楚城下顧我不念程  
寶鏡曾墮水不磨難自明苦節居貧賤所知賴友生  
歡會方別離戚戚憂慮并安得在一方終老無送迎

城南

漾漾南澗水來作曲池流言尋參差島曉榜輕盈舟  
萬繞不再止千尋盡孤幽藻澁訝人重萍分指魚遊  
繁苗毯下垂密箭翻迴軒曝鬣亂自墜陰藤斜相鈎  
卧蔣黑米吐翻芰紫角稠橋低競俯僂亭近閒夷猶  
目爲逐勝朗手因掇芳柔漸喜游來極忽疑歸無由

氣狀雖可覽纖微諒難搜未聽主人賞徒愛清華秋

夜懷

窮居積遠念轉轉迷所歸幽蕙零落色暗螢參差飛  
病生秋風簟淚墮明月衣無愁坐寂寞重使奏清微  
奉和舍人叔直省時思琴

藹藹紫微直秋意深無窮滴瀝先閣漏肅穆禁池風  
竹月泛涼影萱露澹幽叢地清物態勝宵閒琴思通  
時屬雅音際迥凝虛抱中達人掌樞近人與隱默同

野寺後池寄友



佛寺連野水池幽夏景清繁木蔭芙蓉時有水禽鳴  
通溪岸斲斷分渚流復縈唄僧鍾磬罷月來池上明  
友人竟不至東北見高城獨游自寂寞况此恨盈盈  
寄別  
寒天正飛雪行人心切切爲同萬里客中路忽離別  
別君汾水東望君汾水西積雪無平岡空山無人蹊  
羸馬時倚轅行行未遑食下車勸僮僕相顧莫歎息  
詎知佳期隔離念終無極

病中寄白學士拾遺

秋亭病客眠庭樹滿枝蟬涼風繞砌起斜影入牀前  
梨晚漸紅墮菊寒無黃鮮倦游寂寞日感嘆蹉跎年  
塵歡久消委華念獨迎延自寓城闕下識君弟事焉  
君爲天子識我方沉病纏無因會同語悄悄中懷煎

雨中寄元宗簡

秋堂羸病起盥漱風雨朝竹影冷疎澹榆葉暗飄蕭  
街徑多墜果墻隅有蛻蛻延瞻游步阻獨坐閒思饒  
君居應如此恨言相去遙

惜花



春潭足芳樹水清不如素幽人愛華景一一空山暮  
月出潭氣白游魚暗衝石夜深春思多酒醒山寂寂

祭退之

嗚呼吏部公其道誠巍昂生爲大賢姿天使光我唐  
德義動鬼神鑒用不可詳獨得雄直氣發爲古文章  
學無不該貫吏治得其方三次論評退其志亦剛強  
再使平山東不言所謀臧薦待皆寒羸但取其才良  
親朋有孤稚昏姻有辦營如彼天有斗人可爲信常  
如彼歲有春物宜得華昌哀哉未申施中年遽殂喪

朝野良共哀矧於知舊腸籍在江湖間獨以道自將  
學詩爲衆體久乃溢笈囊畧無相知人黯如霧中行  
北遊偶逢公盛語相稱明名因天下聞傳者入歌聲  
公領試士司首薦到上京一來遂登科不見苦貢場  
觀我性朴直乃言及平生由慈類朋黨骨肉無以當  
坐令其子拜常呼幼時名追招不隔日斷踐公之堂  
出則連轡馳寢則對榻床搜窮古今書事事相酌量  
有花必同尋有月必同望爲文先見草釀熟偕共觴  
新果及異鮭無不相待嘗到今三十年曾不少異更



公文爲時帥我亦有微聲而後之學者或號爲韓張  
我官麟臺中公爲大司成念此委未秩不能力自揚  
特狀爲博士始獲升朝行未幾享其資遂忝南宮郎  
是事賴拯扶如屋有棟梁去夏公請告養疾城南庄  
籍時官休罷兩月同游翔黃子陂岸曲地曠氣色清  
新池四平漲中有蒲荇香北臺臨稻疇茂柳多陰涼  
板亭坐垂釣煩苦稍已平其愛池上佳聯句舒遐情  
偶有賈秀才來茲亦間并移船入南溪東西縱篙根  
劃波激船舷前後飛鷗鷺回入潭瀨下網截鯉與魴

踏沙掇水蔬樹下蒸新秔日來相與嬉不知暑日長  
柴翁携童兒聚觀於岸傍月中登高灘星漢交垂芒  
釣車擲長綫有獲齊歡驚夜闌乘馬歸衣上草露光  
公爲游谿詩唱咏多慨慷自期此可老結社於其鄉  
籍受新官詔拜恩當入城公因同歸還居處隔一坊  
中秋十六夜魄圓天差晴公旣相邀畱坐語於堦楹  
乃出二侍女合彈琵琶箏臨風聽繁絲忽遽聞再更  
顧我數來過是夜涼難忘公疾浸日加孺人視藥湯  
來候不得宿出門每迴遑自是將重危車馬候縱橫



張文昌集  
門僕皆逆遣獨我到寢房公有曠達識生死爲一網  
及當臨終辰意色亦不荒贈我珍重言傲然委衾裳  
公比欲爲書遺約有修章令我署其末以爲後事程  
家人號于前其書不果成子符奉其言甚於親使令  
魯論未訖註手跡今微茫新亭成未登閉在庄西廂  
書劄與詩文重疊我筭盈頃息萬事盡腸情多摧傷  
舊塋明津北野空動鼓鉦柳車一出門終天無迴箱  
籍貧無贈貲曷用申哀誠衣器陳下帳醪餌奠堂隍  
明靈庶鑒知髣髴斯來饗

終

張文昌集卷之二

七言古詩

春日行

春日融融池上暖竹芽出土蘭心短草堂晨起酒半  
醒家僮報我園花滿頭上皮冠未曾整直入花間不  
尋徑樹樹殷勤盡遶行舉枝未徧春日暝不用積金  
著青天不用服藥求神仙但願園裏花長好一生飲  
酒花前老

寄遠曲



美人來去春江暖江頭無人湘水滿浣紗石上水禽  
栖江南路長春日短蘭舟桂楫常渡江無因重寄雙  
瓊瑤

短歌行

青天蕩蕩高且虛上有白日無根株流光暫出還入  
地使我年少不須臾與君相逢勿寂寞衰老不復如  
今樂金卮盛酒置君前再拜願君千萬年

行路難

湘東行人長嘆息十年離家歸未得弊裘羸馬苦難  
行僮僕饑寒少筋力君不見牀頭黃金盡壯士無顏  
色龍蟠泥中未有雲不能生彼升天翼

征婦怨

九月匈奴殺邊將漢軍全沒遼水上萬里無人收白  
骨家家城下招魂塋婦人依倚子與夫同居貧賤心  
亦舒夫死戰場子在腹妾身雖存如晝燭

白紵歌

皎皎白紵白且鮮將作春衣稱少年裁縫長短不能  
定自持刀尺向姑前復恐蘭膏汗纖指常遣傍人收



墮珥衣裳着時寒食下還把白鞭鞭白馬

野老歌

老翁家貧在山住耕種山田三四畝苗疎稅多不得  
食輸入官倉化爲土歲暮鋤犁倚空室呼兒登山收  
橡實西江賈客珠百斛船中養犬長食肉

寄衣曲

織素裁衣獨苦辛遠因回使寄征人官家亦自寄衣  
去負從妾手着君身高堂姑老無侍子不得自到邊  
城裏慇懃爲看初着時征夫身上宜不宜

送遠曲

戲馬臺南山簇簇山邊飲酒歌別曲行人醉後起登  
車席上回尊勸僮僕青天湯湯覆長路遠遊無家安  
得在願君到處自題名他日知君從此去

築城詞

築城處千人萬人齊把杵重重土堅試行錐軍吏執  
鞭催作遲來時一年深磧裏盡着短衣渴無水力盡  
不得拋杵聲杵聲未定人皆死家家養男當門戶今  
日作君城下土



猛虎行

南山北山樹冥冥猛虎白日繞林行向晚一身當道  
食山中麋鹿盡無聲年年養子在空谷雌雄上山不  
相逐谷中近窟有山林長向村家取黃犢五陵年少  
不敢射空來林下看行迹

別離曲

行人結束出門去幾時更踏門前路憶昔君初納采  
時不言身屬遼陽戍早知今日當別離成君家計良  
爲誰男兒生身自有役那得誤我少年時不如逐軍  
征戰死誰能獨老空閨裏

牧童詞

遠牧牛遶村四面禾黍稠陂中饑鳥啄牛背令我  
不得戲隴頭入陂草多牛散行白犢時向蘆中鳴隔堤  
吹葉應同伴還穀長鞭三四聲牛羊食草莫相觸官  
家截爾頭上角

沙堤行呈裴相公

長安大道沙爲堤早風無塵晚無泥宮中玉漏下三  
刻朱衣導騎丞相至路傍高樓息歌吹千車不行行



者避街官閭吏相傳呼當前十里惟空衢白麻認下  
移相印新堤未成舊堤盡

求仙行

漢皇欲作飛仙子年年採藥東海裏蓬萊無路海無  
邊方士舟中相枕死招搖在天囚白日甘泉玉樹無  
仙實九皇真人終不下空向離宮祠太乙丹田有氣  
凝素華君能保之昇絳霞

古釵嘆

古釵墮井無顏色百尺泥中今復得鳳凰宛轉有古  
儀欲爲首飾不稱時女伴傳看不知王羅袖拂拭生  
光輝蘭膏已盡股半折雕文刻樣無年月雖離井底  
入匣中不用還與墜時同

各東西

遊人別一東復一西出門相背兩不返惟信車輪與  
馬蹄道路悠悠不知處山高海闊誰辛苦遠遊不定  
難寄書日日空尋別時語浮雲上天雨墮地暫時會  
合終離異我今與子非一身安得死生不相棄

節婦吟



君知妾有夫贈妾雙明珠感君纏綿意繫在紅羅襦  
妾家高樓連苑起良人執戟明光裏知君用心如日  
月事夫誓擬同生死還君明珠雙淚垂何不相逢未  
嫁時

永嘉行

黃頭鮮卑入洛陽胡兒持戟升明堂晉家天子作降  
虜公卿奔走如牛羊紫陌旌旛暗相觸家家雞犬驚  
上屋婦人出門隨亂兵夫死眼前不敢哭九州諸侯  
自曠土無人領兵來顧主比人避胡皆在南南人至  
今能晉語

採蓮曲

秋江岸邊蓮子多採蓮女兒凭船歌青房圓實齊戢  
戢爭前競折漾微波試索綠莖不尋藕斷處絲多刺  
傷手白練束腰袖半捲不插玉釵粧梳淺船中未滿  
度前洲借問阿誰家住遠歸時共待暮湖上自弄芙  
蓉還蕩槳

傷歌行

黃門詔下促收捕京兆尹繫御史府出門無復部曲



張文昌集  
隨親戚相逢不容語辭成謫尉南海州受命不得須  
吏留身着青衫騎惡馬東門之外無送者郵夫防吏  
急喧嘩往往驚墮馬蹄下長安里中荒大宅東門已  
除十二戟高堂舞榭鎖管絃美人遙望西南天

北邙行

洛陽北門北邙道喪車磷磷入秋草車前齊唱薤露  
歌高墳新起日峩峩朝朝暮暮人送塋洛陽城中人  
更多千金立碑高百尺終作誰家柱下石山頭松栢  
半無主地下白骨多於上寒食家家送紙錢烏鳶作  
巢啣上樹人居朝市未解愁請君暫向北邙遊

吳宮怨

吳宮四面秋江水江清露白芙蓉死吳王醉後欲更  
衣座上美人嬌不起宮中千門復萬戶君恩反覆誰  
能數君心與妾既不同徒向君前作歌舞茱萸滿宮  
紅實垂秋風嫋嫋生繁枝姑蘇臺上夕燕罷他人侍  
寢還獨歸白日在天光在地君今那得長相棄

關山月

秋月朗朗關山上山中行人馬蹄響關山秋來雨雪



多行人見月唱邊歌海邊漠漠天氣白胡兒夜度黃  
龍磧軍中探騎暮出城伏兵暗處低旌戟漢水連天  
霜草平野駝尋水磧中鳴隴頭風急鴈不下沙場苦  
戰多流星可憐萬國關山道年年戰骨多秋草

少年行

少年從獵出長楊禁中新拜羽林郎獨到輦前射雙  
虎君王手賜黃金璫日日闔雞都市裏高羸得寶刀重  
刺字百里報讐夜出城天明還在娼樓醉遙聞虜到  
平陵下不待詔書行上馬斬得名王獻桂宮封侯起  
第一日中不爲六郡良家子百戰始取邊城功

白頭吟

請君膝上琴彈我白頭吟憶昔君前嬌笑語兩情宛  
轉如縈素宮中爲我起高樓更開花池種芳樹春天  
百草秋始衰棄我不得白頭時羅襦玉珥色未暗今  
朝已道不相宜揚州青銅作明鏡暗中持照不見影  
人心迴互自無窮眼前好惡那能定君恩已去若再  
返菖蒲花開月長滿

將軍行



彈箏峽東有胡塵天子擇日拜將軍蓬萊殿前賜六  
纛還領禁兵爲部曲當朝受詔不辭家夜向咸陽原  
上宿戰車彭彭旌旗動三十六軍齊上隴隴頭戰勝  
夜亦行分兵處處收舊城胡兒殺盡陰磧暮擾擾唯  
有牛羊聲邊人親戚曾戰沒今逐官軍收舊骨磧西  
行見萬里空幕府獨奏將軍功

賈客樂

金陵向西賈客多船中生長樂風波欲發移船近江  
口船頭祭神各澆酒停杯共說遠行期入蜀經蠻難  
別離金多衆中爲上客夜夜篝緝眠獨遲秋江初月  
猩猩語孤帆夜發瀟湘渚水工持檝防暗灘直過山  
邊及前侶年年逐利西復東姓名不在縣籍中農夫  
稅多長辛苦棄業長爲販寶翁

羈旅行

遠客出門行路難停車斂策在門端荒城無人霜滿  
路野火燒橋不得度寒虫入窟鳥歸巢僮僕問我誰  
家去行尋田頭暝未息雙轂長轅礙荆棘緣岡入澗  
投田家主人舂米爲夜食晨雞喔喔茆屋傍行人起



張文昌集  
掃車上霜舊山已別行已遠身計未成難復返長安  
陌上相識稀遙望天門白日晚誰能聽我辛苦行爲  
向君前歌一聲

車遥遥

征人遥遥出古城雙輪齊動駟馬鳴山川無處無歸  
路念君長作萬里行野田人稀秋草綠日暮放馬車  
中宿驚磨游兔在我傍獨唱鄉歌對僮僕君家大宅  
鳳城隅年年道上隨行車願爲玉鑾繫華軾終日有  
聲在君側門前舊宅久已拋無絲復得君消息

妾薄命

薄命婦良家子無事從軍去萬里漢家天子平四夷  
護羌都尉裹屍歸念君此行爲死別對君裁縫泉下  
衣與君一日爲夫婦千年萬歲亦相守君愛龍城征  
戰功妾願青樓歌樂同人生各各有所欲詎得將心  
入君腹

朱鷺曲

翩翩兮朱鷺來汎春塘栖綠樹羽毛如剪色如染遠  
飛欲下雙翅歛避人引子入深塹動處水紋開灑灑



誰知豪家綱爾軀不如飲啄江海隅

### 楚宮行

章華宮中九月時桂花未落紅橘垂江頭騎火照輦  
道君王夜從雲夢歸霓旌鳳蓋到雙闕臺上重重歌  
吹發千門萬戶開相當燭籠左右列成行下輦更衣  
入洞房洞房侍女盡焚香玉階羅幙微有霜齊言此  
夕樂未央玉酒湛湛盈華觴絲竹次第鳴中堂巴姬  
起舞舞向君王迴身垂手結明璫願君千年萬年壽朝  
出射麋夜飲酒

### 江南曲

江南人家多橘樹吳姬舟上織白苧土地卑濕饒虫  
蛇連木爲牌入江住江村灰日長爲市落帆度橋來  
浦裏青莎覆城竹爲屋無井家家飲潮水長于午日  
沽春酒高高酒旗懸江口娼樓兩岸懸水柵夜唱竹  
枝畱北客江南風土歡樂多悠悠處處盡經過

### 烏啼引

秦烏啼啞啞夜啼長安吏人家吏人得罪囚在獄傾  
家賣產將自贖少婦起聽夜啼烏知是官家有赦書



下床心喜不重寐未明上堂賀舅姑少婦語啼烏汝  
啼慎勿去借汝庭樹作高巢年年不令傷爾雛

讌客詞

上客不用顧金羈主人有酒君莫違請君看取園中  
花地上漸多枝上稀山頭樹影不見石溪水無風應  
更碧人人齊醉起舞時誰覺翻衣與倒幘明朝花盡  
人已去此地獨來空繞樹

促促詞

促促復促促家貧夫婦懽不足今年爲人送租船去  
年捕魚在江邊家中媿老子復小自織吳綃輸稅錢  
家家桑麻滿地黑念君一身空努力願教牛蹄團團  
羊角直君身常在應不得

烏栖曲

西山作宮潮滿地  
曉鳴芙蓉枝吳姬自唱採蓮  
曲君王昨夜舟中宿

隴頭行

隴頭路斷人不行胡騎夜入涼州城漢家處處格鬪  
死一朝盡沒隴西地驅我邊人胡中去散放牛羊食



張文昌集  
禾黍去年中國養子孫今着氊裘學胡語誰能更使  
李輕車收取涼州屬漢家

塞上曲

邊州八月修城堡候騎先燒磧中草胡風吹沙度隴  
飛隴頭林木無北枝將軍閱兵青塞下鳴鼓逢逢促  
獵圍天寒山路石斷裂白日不銷帳上雪烏孫國亂  
多降胡詔使名王持漢節年年征戰不得閒邊人殺  
盡唯空山

董逃行

洛陽城頭火瞳瞳亂兵燒我天子宮宮城南面有深  
山盡將老幼藏其間重岩爲屋椽爲食丁男夜行候  
消息聞道官軍猶掠人舊里如今歸未得董逃行漢  
家幾時重太平

白鼉鳴

天欲雨有東風南谿白鼉鳴窟中六月人家井無水  
夜聞白鼉人盡起

洛陽行

洛陽宮闕當中州城上巖巖十一樓翠華西去幾時



返鳥巢乳鳥藏蟄鷺御門空鑠五十年稅彼農夫修  
玉殿六街朝暮鼓鼙禁兵持戟守空宮百官日月  
謝拜表驛使相續長安道上陽宮樹黃復綠野豳入  
苑食麋鹿陌上老翁空淚垂共說武皇巡幸時

湘江曲

湘江無潮秋水闊湘中月落行人發送人歸  
白蘋茫茫鷓鴣飛

雀飛多

雀飛多觸網羅網羅高樹巔汝飛蓬蒿下勿復投身

網羅問粟積倉禾在田巢之雛望其母來還

春江曲

春江無冰潮水平滿江嘯嘯鳧雛鳴長干夫婿愛遠  
行自染春衣縫已成妾身生長金陵側去年隨夫住  
江北春來未到父母家舟小風多渡不得欲辭舅姑  
先問人私向江頭祭水神

遠別離

蓮葉團團荇葉折長江鯉魚鱗鱗赤念君少年棄親  
戚千里萬里獨爲客誰言遠別心不易天星墮地能



爲石幾時斷得城南陌勿使居人有行役

秋夜長

秋天如水夜未央天漢東西月色光愁人不寐畏枕  
席暗虫唧唧遶我傍荒城爲村無更聲起看北斗天  
未明白露滿田風裊裊千聲萬聲鶻鳥鳴

山頭鹿

鹿角芟芟尾促促貧兒多租輸不足夫死未塋

平日熬熬蒸野岡禾黍不收無獄糧縣家唯

能令爾無死傷

江村行

南塘水深蘆芽齊下田種稻不作畦耕場磷磷在水  
底短衣半染蘆中泥田頭刈莎結爲屋歸來繫牛還  
獨宿水淹手足盡爲瘡山虫遶衣飛撲撲桑村樵黑  
蠶再眠小姑採桑不餉田江南熟早天氣毒雨中移  
秧顏色鮮一年耕種長苦辛田熟家家將賽神

樵客吟

山上採樵選枯樹深處樵多出辛苦秋來野火燒櫟  
林枝柯已枯堪採取斧聲坎坎在幽谷採得齊稍青



葛束日西待伴同下山竹擔彎彎向身曲共知路傍  
多虎穴未出深林不敢歇村西地暗狐兔行稚子叫  
時相應聲採樵客莫樵松與栢松栢生枝直且堅與  
君作屋成家宅

泗水行

泗水流急石纂纂鯉魚上下紅尾短春冰消散白雪  
滿行舟往來浮橋斷城邊漁市人早行水烟漠漠多  
棹聲

雲童行

雲童童白龍之尾垂江中今年天旱不作雨水足壻  
上有禾黍

長塘湖

長塘湖一斛水中半斛魚大魚如柳葉小魚如針鋒  
水濁誰能辯真龍

廢宅行

胡馬崩騰滿阡陌都人避亂唯空宅宅邊青桑垂窠  
窠野蠶食葉還成繭黃雀啣草入燕窠嘖嘖啾啾白  
日晚去時禾黍埋地中饑兵掘土翻重重鳴梟養子



定樹上曲墻空屋多旋風亂定幾人還本土唯有官  
家重作主

寄菖蒲

石上生菖蒲一寸十二節仙人勸我食令我頭青面  
如雪逢人寄君一絳囊書中不得傳此方君能來作  
樓霞侶與君同入丹玄鄉

送遠曲

舟行

吳門向西流水長水長柳暗烟茫茫行人送客各惆  
悵話離叙別傾清觴吟絲竹鳴笙簧酒酣性逸歌猖  
狂行人告我挂帆去此去何時返故鄉殷勤振衣兩  
相囑世事近來還淺促願君看取吳門山帶雪經春  
依舊綠行人行處求知親送君去去徒酸辛

楚妃怨

湘雲初起江沉沉君王遙在雲夢林江南雨多旌戟  
暗臺下朝朝春水深章華殿前朝下國君心獨自終  
無極楚兵滿地能逐禽誰用一身騁筋力西江若翻  
雲夢中麋鹿死盡應還宮

廢瑟詞



張文昌集  
古瑟在匣誰復識  
土柱顛倒朱絲黑  
千年曲譜不分  
明樂府無人傳  
正聲秋虫暗穿塵  
作色腹中不辯工  
人名幾時天下復  
古樂此瑟重奏雲門曲

花

一言至  
七言

花落早開賒對酒  
客興詩家能迴游  
騎每駐行車宛  
宛清風起茸茸  
麗日斜且願相留  
懽洽惟愁虛棄光  
華明年攀折知不  
遠對此誰能更嘆  
嗟